






癸卯夏曆正月月中旬之末在慈光圖書館講

地藏菩薩本願經講述筆記

(戒)講此經因緣



(慧)經文題目譯者

◎釋文

「地藏」地有三義一住持二生長三荷負。藏爲藏庫之義，三德七

寶所蓄故

「本願」本指本地，本性，本別之區。

「實叉難陀」漢譯學喜

(聞)序分

○初利天宮神通品第一

「神通」俗釋陰陽不測謂之神，寂然不動，感而遂通。纓絡經釋，神名天心，通名慧性，乃天然之慧，徹照無礙。俗釋其果，經釋其因。

「摩訶薩」摩訶含「大多勝」三義，大指心量與行業，多指其德其學，勝指大多，表顯之相。

「知苦樂法」苦集二諦是苦因果，滅道二諦樂因果。十二因緣，六度四宏誓，皆依四諦而開。以四諦調聲聞，因緣調緣覺，六度四誓調菩薩。

「放百千萬億大光明雲」此乃放光，其光之番彩變化如雲耳，又雲其覆蔭致雨之德，此光被於眾生，如雲普蔭，似雨普滋，猶聞妙法，各得其益。

體性識
宗行願
用方便
教相醍醐
時在法華
以後涅槃
以前三月
而說故列
五時教


「所謂大圓滿光明雲至大讚歎光明雲」



六度四無量
 為別解無漏
 等為體總
 師雲等為
 相力

助觀十乘法

十光雲對之



「又出種種微妙之音」此音係於光中發出。

「他化自在天與色究竟天」他化自在乃魔王，於境自在，嘗壞佛

法，色究竟亦曰大自在，即摩醯首羅，於定得自在，嘗請佛

轉法輪，自在名同，而事則異。

「兜率與五淨居」兜率內院，及淨居皆住聖人，不受三災。

「四禪天」前三凡繼一外，皆不受世間諸苦樂境。

「龍眾鬼神等眾」別行疏龍分四種：一守天宮不落，二興雲致雨，三決江開瀆，四守轉輪福藏。鬼有九十三種，行因不一，受報各別，各有所統眷屬，有居鬼道，有居天道，如四王天之部眾等。神乃鬼之威德類，而有職守者。此但以道趨言，不以其力言。

「告文殊師利法王子菩薩摩訶薩……汝知數不。」大自在天尙能知大千世界雨滴之數，文殊爲菩薩中之大智者，故問之。

「無礙智」智有二種相，一無著，見眾生界自性清淨，是謂「如理智」。二無礙，能通達觀無邊世界，是謂「如量智」。

「因地」因是原動力，地是心地。

「作何行立何願」願是希望發動，行是三業實踐，願無行則虛，行無願不激。凡事行願相扶，始有成就，既見成就之果，必雙問其因。

「長者子」法華經，長者十德，一姓貴，二位高，三大富，四威猛，五智深，六年耆，七行淨，八禮備，九上歎，十下歸。

「千福莊嚴」相與好俱，是爲莊嚴，行十善六度，成百福德，周百福德而成一相。輔行云，菩薩修十善，各各有五心，「下，中，上，上上，上中上。」初發五心，乃至具足五心，如是百心，名爲百福。

彼佛壽命四百千萬億阿僧祇劫」法身無壽無量，應現滅不時，報有始無終，此言報身開始至此之劫。

「信邪」邪者斜也，其心遊理之外也。

「廣求香花」香爲佛使。

「三海之內是大地獄……亦無量苦」地獄大體，一熱二寒三邊。具有十八者，言重數也，每重約十八隔，而八寒八熱，又各有十六遊增，故曰次有五百，次有千百。

「應是無間罪人此日悉得受樂俱同生訖」此段大有含義，凡夫無力，各作各受，各修各得，故菩薩女而無力挽其眾母不墮落也。佛力無邊，智德如日，萬法如幻，智日能照而消，故同受者咸被佛光同超。然滅罪增福，可由加被而得，而無漏智慧，自必依聖教量修而得之也。

(思) 正宗分

○ 分身集會品第二

◎ 釋文

「百千萬億」億之數，古今代數，多有變化，約有四種：一十萬爲億，二百萬爲億，三千萬爲億，四萬萬爲億，此指第四種，乃明百千萬後之億數也。

至彌勒出世以來眾生悉使解脫」華林園三會說法，初九十六億證阿羅漢，次九十四，後九十二，證果如上。處胎經：初證之人係曾受釋尊五戒者，次是受三皈者，後是僅稱佛號者。可見夙植德本，種諸善根亦極爲要。

○觀眾生業緣品第三

◎釋文

「千萬世界乃及國土至非但地獄罪報一等」世界非止閻浮，故曰千萬。有地獄如娑婆，無地獄如極樂，有女人如阿閼佛國，無女人如極樂，無佛法如北俱盧洲，無佛法乃八難之一。乃至聲聞辟支佛，亦復如是，按悲華經：或有世界，「純諸菩薩」，「或有聲聞辟支佛乘。」然一世界亦有地區時間變化，仍不同也。

「出佛身血毀謗三寶不敬尊經」無佛之世，焚毀經像，其意同此。經同俗書，手捲擲拋，或置不淨之處，不知經即是法舍利。

「侵損常住」律鈔明四種常住，一常往常住，如寺舍樹木田園等，但得受用，不通分賣。二十方常住，僧家供僧常食，唯局本處。三現前現前，得施之物，唯施此處現前僧。四十方現前，亡五眾物，未羯摩，從十方僧得罪，已羯摩，望現前僧得罪。

「或殺或害」指殺生食肉。

「偽作沙門」瑜伽論，沙門有四，一勝道沙門，二說道沙門，三活道沙門，四汙道沙門。偽作即汙道之流。

。閻浮眾生業感品第四

◎ 釋文

「我承佛如來威神力故」威指四無畏等，神指六神通等，力謂十力等。

「即不能作如是變化」大品云一切法皆是化；於是法中有聲聞辟支菩薩佛法變化，有煩惱變化，有業因緣法變化，如不生不滅無誑相涅槃，是法非變化。

「迷惑障難」迷惑謂十使，障謂三障，難謂八難。

「如魚遊網至又復遭網」魚譬眾生神識，網譬三界五道，長流譬業果，脫入暫出譬頭出頭沒。

「廣度罪輩」罪輩統五道而言。或疑諸天清妙禪定，七眾恭乘律儀，何罪之云？按俱舍論：在家由取

五塵，故起鬥爭，出家由取諸見，故起鬥爭。成論云，若人持戒，取爲清淨，名戒取結，即謂所取以爲真實，餘皆妄語，名見取結。是則戒取等，唯是世善，招生死果，故名隨苦，非真道法。

「有一羅漢福度眾生」長阿含經：堅固念轉輪王，告太子云，汝土境所有沙門，履行清貞，功德具足，獨到涅槃，仁思無厭，衣食知足，持鉢乞食，以福眾生。

夢見佛身」善見律，夢有四種；一、四大不和夢，（如見山崩虎狼逐等）二、先見夢（晝見夢現）三、天人夢（天人現之令人得之）四、想夢（前因今現）前二不實，後二真實。

○地獄名號品第五

◎釋文

有大地獄號極無間又有地獄名大阿鼻」無間阿鼻，是一是二，自古難定，長阿含及觀佛三昧經，合爲一獄，本經與楞嚴，分爲二獄，此譯者不同，必詳校梵文，始可有所決定。此言正主之獄。

名曰四角，飛刀，火箭，夾山等」詳見各經，四角見正法念處經。飛刀見觀佛三昧海經。火箭見觀佛三昧經。夾山見三法度。此段諸獄，言其眷屬。

更有叫喚，拔舌，糞尿，銅鑊等」詳見各經，叫喚見長阿含經，拔舌糞尿見本經後文，銅鑊見觀佛三昧經。此段諸獄下有諸遊增。

能障聖道」有漏業，能障三乘聖道。無漏業，能障佛性中道。莫輕小惡」涅槃經云：「莫輕小惡，以爲無殃，水滴雖微，漸盈大器。」

父子至親歧路各別」賴吒和羅經：「善惡隨人，如影隨身，人生獨生，死亦獨死，身作善惡，身獨當之，無有代者。」或有地獄取罪人舌使牛耕之等」前皆舉名，此獨言事。

○如來讚歎品第六

◎釋文

「廣作方便」方便乃菩薩二利之器，不可須臾暫離，維摩經云，無方便慧縛，有方便慧解。

「厭女人身」超日月經，明示五礙；一得作梵天王，清淨垢染不同故，二不得作帝釋，少欲多欲差別故，三不得作魔王，剛強懦弱相異故，四不得作轉輪王，仁慈嫉妒迥絕故，五不得作佛身，萬德煩惱各別故。


「除非慈願力故要受女身度脫眾生」如摩耶夫人，以大幻大術法門，永爲千佛之母，此爲順愛法門度眾也。又華嚴「婆須蜜多」菩薩爲寶莊嚴城之姪女，說離欲法門，令得一切三昧，此爲逆愛法門愛眾也。

「厭是醜陋多疾病者」業報差別經，以十業故，得醜陋報，一好行忿怒二好懷嫌恨……九見醜陋者，毀訾輕賤，十習惡行。亦以十業得多病報，一好喜拍打一切眾生……十宿食未消，而復更噉。醜陋招夫嫌憎，遭眾譏呵。多病身心憂苦，

眷屬輕陵。

「賢劫千佛滅度」釋尊爲賢劫第四佛。

「過去父母男女……在於惡趣，未得出離」正法念經，若爲亡人修福布施，鬼容得福，若生餘道，多無得力。略錄。

「二十九日乃至三十日」青蓮法師注，「乃」古訓爲難意，而用爲語辭之難，心之難不可象也，故象口氣透逝，上出，難之又難也。其字示人以意，今言一日至三十日，如是十日無間，至難至難也。餘師皆云超略之辭，意自不及青師之暢。

「南閻浮提眾生舉止動念」安般經云，一彈指頃，心有九百六十轉。仁王經云，一念有九十刹那，一一刹那中，復有九百生滅。菩薩處胎經云，一彈指頃，有三十二億百千念，念念成形，形形有識，一念善有無量善果，一念惡有無量惡果報。

○利益存亡品第七

◎釋文

「舉心動念無非是罪」心念指六識，舉動指功能，由六，七二識合和，濁亂八識主人。八識復令前五識貪著五塵，處處夤緣，故曰無非是罪。

「爾所殺害乃至拜祭，無纖毫之力，利益亡人。」十方譬喻經云：

「天上天下鬼神，知人壽命罪福，當至未至，不能活人，不能殺人，不能使人富貴貧賤。但欲使人作惡犯殺因人衰耗而往亂之，

語其禍福，令人設祠祀耳。」四自侵經云：「有事天地水火日月山川諸鬼神者，永無所益，故在周旋生死之裏，不能脫出羅網牢獄。」

「一毛一滯一沙一塵如是利益」大悲經云：若有眾生，於諸佛所，一發信心，如是善根，終不敗亡。如人折一毛爲百分毛，取一分毛，露一滴水，持寄我所言……平等如故，持還彼人。

○閻羅王眾讚歎品第八

◎釋文

「會中有一鬼王名曰主命」然言主者，不過同命存亡，非能與奪人命能生之死之。



○稱佛名號品第九

◎釋文

「號無邊身如來」唯識論云：一自性身，謂諸如來真清淨法界，具無邊真實功德，是一切平等實性，此法身無邊也。又云自受用身，謂三無數劫，脩習無量福德資糧，所起無邊真實功德，此報身無邊也。華嚴云：清淨妙法身，湛然應一切，此應身無邊也。

「拘留孫佛」此非賢劫第九，準萬佛名經，有無量七佛之名。


佛土 雜居 隔離 凡聖




智二 種相 無著 (如理智) 見眾生自性清淨 無礙 (如量智) 觀無量世界通達



菩薩 階級 三賢 (十住) (十行) (十回向) 十聖 (歡喜地) (法雲地)


五無間：時形苦果命





迷惑——見思二惑（障四諦）
障——惑業苦（障出世法）
難——八難（報生八難）










(婆沙論) 若離初心則不成無上道，一切功德皆在初心。


(一切法高王經) 初發菩提之心菩薩摩訶薩，即發心日已

是一切聲聞緣覺眾生福田。






十住毘婆沙
論似如持戒



非理毀用




中論二



大邪見

業力大




經云：「人生世間，所以不得道者，但坐思維，穢念多故，

一念來一念去，一日一宿，有八億四千萬念，念念

不息。」


三



獄界



十惡 攝業



祭義

孝子事親三道，生則養，沒則喪，喪畢則祭。


氣者神之盛，魄者鬼之盛。

齋三日，乃見其所為齋者。

入室，儼然必有見乎其位，周還出戶，肅然必有聞乎其容聲，出戶而聽，愾然必有聞乎其歎息之聲。

賢者之祭也，必受其福。

唯識 明夢



業道論

對二喻



「堅意經」聞佛明法，一心而聽，能一日可。不能一日半日可。

不能半日一時可。不能一時，須臾可。其福不可量不可訾也。

「胡跪」新譯「互跪」以三處互相翹聳也。